

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-

Broj: 07-3640/15

Datum, 02. 11. 2015. godine

Općinski načelnik općine Srebrenik na osnovu člana 68. stav (1), i člana 72. stav (3), tačka b), Zakona o javnim nabavkama Bosne i Hercegovine («Službeni glasnik BiH», broj: 39/14) i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), d o n o s i:

ODLUKU

I

O d b a c u j e se ponuda ponuđača **WORK DOO Bijeljina** kao neprihvatljiva u postupku javne nabavke **Izvođenje radova na izgradnji javne rasvjete u MZ Falešići** po otvorenom postupku broj: 07-3640/15 od 21. 09. 2015. godine, objavljenom na Portalu javnih nabavki, obavještenje o nabavci br. 761-1-3-74-3-26/15 od 21. 09. 2015. godine i "Službenom glasniku BiH" broj: 76 od 28. 09. 2015. godine.

II

D o d j e l j u j e se ugovor drugorangiranom ponuđaču **ELVIK DOO Srebrenik**, u ukupnom iznosu od **94.533,66 KM (sa PDV-om)**.

III

Drugorangirani ponuđač **ELVIK DOO Srebrenik** je dužan u roku od 5 dana od dana prijema ove odluke, dostaviti dokaze po članu 45. stav (2) Zakona o javnim nabavkama i original (ovjerena kopija) izvještaj centralne banke koji je dostavljen kao kopija u ponudi.

IV

Stavlja se van snage Odluka o izboru najpovoljnijeg ponuđača broj: 07-3640/15 od 16. 10. 2015. godine.

OBRAZLOŽENJE

Na osnovu otvorenog postupka broj: 07-3640/15 od 21. 09. 2015. godine, objavljenom na Portalu javnih nabavki, obavještenje o nabavci br. 761-1-3-74-3-26/15 od 21. 09. 2015. godine i "Službenom glasniku BiH" broj: 76 od 28. 09. 2015. godine, proveden je postupak prikupljanja ponuda za javnu nabavku **Izvođenje radova na izgradnji javne rasvjete u MZ Falešići**.

Ponude po otvorenom postupku za predmetnu nabavku su dostavili sljedeći ponuđači:

1. **ELVIK DOO Srebrenik**, u ukupnom iznosu od 80.798,00 KM (bez PDV-a),
2. **WORK DOO Bijeljina**, u ukupnom iznosu od 74.918,30 KM (bez PDV-a), i
3. **ELPROM-ZAMBONI DOO Maglaj**, u ukupnom iznosu od 90.153,00 KM (bez PDV-a).

Pregledanjem ponuda ponuđača **ELVIK DOO Srebrenik**, **WORK DOO Bijeljina**, i **ELPROM-ZAMBONI DOO Maglaj**, Komisija je u zapisniku o ocjeni ponuda broj: 07-3640/15 od 16. 10. 2015. godine konstatovala da su ponuđači dostavili sve tražene dokaze koji zadovoljavaju zahtijevane kvalifikacione uslove, te je u istom predložila Općinskom načelniku da donese Odluku o izboru najpovoljnijeg ponuđača broj: 07-3640/15 od 16. 10. 2015. godine.

U tački II dispozitiva Odluke o izboru najpovoljnijeg ponuđača je stajalo da je Ponuđač dužan u roku koji je određen u dispozitivu odluke o izboru, dostaviti dokaze po članu 45. stav (2) Zakona o javnim nabavkama.

Ponuđač **WORK DOO Bijeljina** je u koverti, koja je protokolirana dana 22. 10. 2015. godine, dostavio

dokumentaciju u kojoj je dostavljena i potvrda Osnovnog suda u Bijeljini broj: 080-0-Su-15-000 016/744 od 20. 08. 2015. godine, ovjerena kopija, kojom Osnovni sud u Bijeljini potvrđuje da se ne vodi krivično postupak protiv ponuđača DOO WORK Bijeljina, niti je izrečena pravosnažna osuđujuća odluka za krivično djelo za koje je propisana kao glavna kazna novčana kazna ili kazna zatvora od (3) tri godine (po starom Zakonu o krivičnom postupku), niti je potvrđena optužnica, niti je izrečena nepravosnažna presuda za krivično djelo za koje je propisana kao glavna kazna novčana kazna ili kazna zatvora do (5) pet godina (po novom Zakonu o krivičnom postupku), niti je podnosilac zahtjeva kod ovog suda osuđivan za kršenje zakona u smislu njegovog poslovnog ponašanja u prethodnih pet (5) godina.

U tački 12. 1. tenderske dokumentacije Ugovorni organ je u podtački a) propisao da je ponuđač dužan u svrhu dokazivanja lične sposobnosti dostaviti dokaz da “u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan”. U tački 12.2. tenderske dokumentacije, propisano je da izabrani ponuđač dostavi dokaze u svrhu dokazivanja činjenica potvrđenih u izjavi. Ukoliko ponuđač ne dostavi dokaze na način kako je navedeno u tenderskoj dokumentaciji, Ugovorni organ je u tački 12.2. propisao da će se ponuda u tom slučaju odbaciti kao neprihvatljiva i ugovor će se dodijeliti drugorangiranom ponuđaču.

U članu 45. stav (2) tačka a) Zakona o javnim nabavkama BiH (“Službeni glasnik BiH”, broj: 39/14), propisano je da ponuđač kojem bude dodijeljen ugovor obavezan je dostaviti “uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca”.

Komisija konstatuje da potvrda Osnovnog suda u Bijeljini, koju je dostavio ponuđač, sadržajno ne odgovara uslovima koji su propisani u predmetnoj tenderskoj dokumentaciji, u tački 12.2., iz razloga što se iz potvrde ne može vidjeti koja krivična djela su obuhvaćena u istoj.

U Krivičnom zakonu Republike Srpske (“Službeni glasnik RS” br. 49/03, 108/04, 37/06, 70/06, 73/10, 1/12, 67/13), u posebnom dijelu istog, visina kazne za krivična djela koja su navedena u Zakonu o javnim nabavkama BiH, odstupa od visine kazne koja proizilazi iz potvrde Osnovnog suda u Bijeljini.

Također, u Krivičnom Zakonu Bosne i Hercegovine (“Službeni glasnik Bosne i Hercegovine” br. 3/03, 32/03, 37/03, 54/04, 61/04, 30/05, 53/06, 55/06, 32/07,8/10, 47/14, 22/15, 40/15) za krivična djela navedena u članu 45. Zakona o javnim nabavkama, se propisuju kazne veće od kazni koje su navedene u potvrdi Osnovnog suda u Bijeljini.

U skladu sa gore navedenim, te u skladu sa članom 68. stav (1) Zakona o javnim nabavkama, Komisija predlaže da se ponuda ponuđača **WORK DOO Bijeljina** odbaci kao neprihvatljiva, te predlaže Općinskom načelniku da stavi van snage Odluku o izboru najpovoljnijeg ponuđača broj: 07-3640/15 od 16. 10. 2015. godine, i da u skladu sa članom 72 stav 3. tačka b) Zakona o javnim nabavkama dodijeli ugovor drugorangiranom ponuđaču **ELVIK DOO Srebrenik** u iznosu od **94.533,66 KM (sa PDV-om)**, a što je i prihvaćeno.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 3x,
2. Evidenciji,
3. Arhivi.

OPĆINSKI NAČELNIK

Dr.sci. Nihad Omerović